



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-1-40-104-5/23**

Datum: **20.04.2023. godine**

«Agencija za vodno područje rijeke Save» Sarajevo, rješavajući po zahtjevu Grada Zavidovići, za izdavanje prethodne vodne saglasnosti za rekonstrukciju mosta preko rijeke Krivaje u naselju Maoča, grad Zavidovići, na osnovu člana 109. stav 1. tačka 10. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Grad Zavidovići, daje se prethodna vodna saglasnost za aktivnost – rekonstrukcija mosta preko rijeke Krivaje u naselju Maoča, grad Zavidovići, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene projektne i druge dokumentacije i pod sljedećim uslovima:
 - 2.1 Da korisnik prava iz prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na rekonstrukciji mosta preko rijeke Krivaje u naselju Maoča, Grad Zavidovići. Tehnička dokumentacija treba biti urađena i revidovana od strane pravnih lica koja imaju ovlaštenja (lista "A") pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata ("Službene novine Federacije BiH" broj 31/15, 55/19, 41/20 i 63/22).
 - 2.2 Sa vodoprivrednog aspekta kota donje ivice konstrukcije mosta, u polju i na osloncima, treba da bude viša za minimalno 80 cm računajući i proračunati uspor u odnosu na kotu velike vode rijeke Krivaje ranga pojave 1/100 godina.
 - 2.3 Obalni upornjaci mosta, u odnosu na prirodni poprečni profil korita rijeke Krivaje, trebaju imati takav položaj da ne smanjuju proticajni profil korita rijeke.
 - 2.4 Sastavni dio investiciono - tehničke dokumentacije za rekonstrukciju mosta treba biti i Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa uzimajući u obzir rezultate proračuna uspora izazvanog smanjenjem proticajnog profila uslijed mostovske konstrukcije. Provesti hidraulički proračun za dionicu uzvodno i nizvodno od mosta, utvrditi vučne napone u koritu te za slučaj ako su veći od dozvoljenih u prirodnom koritu odrediti potrebnu dužinu prelaznih dionica od obalnih upornjaka do prirodnog korita sa oblaganjem kosina korita u svrhu zaštite od erozije.
 - 2.5 Projektnom dokumentacijom definisati organizaciju i tehnologiju izvođenja radova na rekonstrukciji mosta kojom će se moguće štete u koritu i na obalama rijeke Krivaje, odnosno moguće štetne promjene režima voda svesti na najmanju moguću mjeru.
 - 2.6 Predmjerom radova predvidjeti i radove na uklanjanju svih pomoćnih objekata i radove na čišćenju i uređenju korita i obala po završetku izgradnje mosta, uređenju korita r. Krivaje u zoni obalnih upornjaka mosta, odvodnju oborinskih voda i dr.
 - 2.7 Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.
 - 2.8 Projektnom dokumentacijom treba, u skladu sa zakonskim propisima, definisati način privremenog pa sve do konačnog zbrinjavanja otpada koji će nastati u toku izgradnje novog mosta i uređenja korita vodotoka u zoni radova.
 - 2.9 Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
 - 2.10 Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja i slično, te dati prijedlog

mjera za sprječavanje tih uticaja u toku izgradnje i korištenja mosta uključujući i standardne i dodatne mjere zaštite.

3. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
4. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se, između ostalog, prilaže:

- 4.1 Revidovana Investiciono-tehnička dokumentacija (glavni projekat), u skladu sa uslovima navedenim u tački 2. ovog Rješenja.
- 4.2 Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa proračunom uspora uslijed mostovske konstrukcije te minimalnu kotu donje ivice mosta uz potrebno nadvišenje od 0,80m.
- 4.3 Rješenje o urbanističkoj saglasnosti i okolinskoj dozvoli.
- 4.4 Dokaz o izvršenju uplati upravne takse u iznosu od 60 KM.
5. Ovu prethodnu vodnu saglasnost će Investitor koristiti u postupku dobijanja urbanističke saglasnosti i okolinske dozvole i ona definiše uslove koje projektna dokumentacija treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane Grada Zavidovići, dana 20.03.2023. godine, zaprimljen je zahtjev bez broja za donošenje rješenja o prethodnoj vodnoj saglasnosti za rekonstrukciju mosta preko rijeke Krivaje u naselju Maoča, grad Zavidovići, a u postupku pribavljanja urbanističke saglasnosti.

Uz zahtjev je dostavljena i pregledana slijedeća dokumentacija:

- Kopija uvjerenja o registraciji poreznog obveznika Grad Zavidovići, Porezna uprava FBiH - Kantonalni porezni ured Zenica, od 29.06.2022. godine,
- Kopija katastarskog plana, R 1:5000, broj plana 3. K.O. Dištica, UR broj: 06/6-30-941/2023-2 od 06.03.2023. godine, izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Kopija katastarskog plana, R 1:10000, broj plana 13. K.O. Dištica, UR broj: 06/6-30-941/2023-3 od 06.03.2023. godine, izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Izvod iz posjedovnog lista broj 67. K.O. Dištica, broj: 06/6-30-940/23-2 od 06.03.2023. godine, izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Izvod iz posjedovnog lista broj 65. K.O. Dištica, broj: 06/6-30-940/23-1 od 06.03.2023. godine, izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Dokaz o uplaćenju upravnoj taksi;
- Studija za prethodnu vodnu saglasnost „Rekonstrukcija cestovnog mosta preko rijeke Krivaja“, urađena od „CPK“ d.o.o. Banja Luka, decembar 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih o zahtjevu je dana 29.03.2023. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnim novinama „OSLOBODENJE“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu objave - oglašavanja u dnevnom listu „Oslobođenje“, Podnosioc je po Zaključku o visini i roku za plaćanje posebnih troškova broj: UP-1/21-1-40-104-3/23 od 11.04.2023. godine, uplatio dana 20.04.2023. godine račun broj: 1231-104000-1 dostavljen od Oslobođenje servisi d.o.o. Sarajevo.

Na osnovu uvida u dostavljenu dokumentaciju utvrđeno je slijedeće:

Studijom je obuhvaćena rekonstrukcija mosta ukupne dužine 40,0 m. Most će omogućiti pješački i cestovni saobraćaj a povezuje regionalni put R-467 sa nekategorisanom cestom koja vodi do naselja Dištica.

Statički sistem objekta je kontinualni nosač sa uklještenjima na mjestima svih oslonaca (obalnih i srednjih stubova), koji čini spregnutu konstrukciju raspona ukupne dužine 40 m, osovinski raspon je 10m. Ukupna širina rasponske konstrukcije mosta iznosi 5,80 m.

Stubna mjesta se sastoje od 3 postojeća AB stuba u poljima i dva upornjaka na početku i kraju mosta. Predviđena je nadogradnja betonskih stubova do potrebne kote. Most je projektovan za dvosmjerni saobraćaj, sa dvije saobraćajne trake i obostranim pješačkim stazama. Situaciono most je u pravcu, u dvostranom podužnom nagibu, bez planiranih slivnika za odvodnju. Donja ivica konstrukcije mosta mora biti udaljena minimalno 80 cm iznad nivoa stogodišnje vode rijeke Krivaje uzimajući u obzir i pojavu uspora uslijed mostovske konstrukcije.

U dostavljenoj Studiji za ishodovanje prethodne vodne saglasnosti za rekonstrukciju cestovnog mosta preko rijeke Krivaje, urađena od „CPK“ d.o.o. Banja Luka, urađen je hidraulički proračun i za hidraulički model korita i mosta određena kota stogodišnje vode na profilu mosta koja iznosi 334,42 m n.m..

Na bazi tako određene linije dopiranja velikih voda i planirane nivelete mostovske konstrukcije utvrđeno je da je obezbijeđeno nadvišenje donje ivice mostovske konstrukcije od min. 1,5m.

Nakon uvida u dostavljenu dokumentaciju, utvrđeno je da, shodno članu 7. i članu 12. stav (1) tačka 1. Zakona o vodama, sa aspekta sektora voda ne postoje smetnje da se podnosiocu izda prethodna vodna saglasnost za izgradnju mosta preko rijeke Krivaje, pod određenim uslovima.

Uslovi, koji se trebaju ispoštovati prilikom izrade projektne dokumentacije, a koja je potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka
Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović
Haris Ališehović, dipl.inž.građ.

Dostaviti:

- Grad Zavidovići, Mehmed paše Sokolovića 9, 72200 Zavidovići
- ⊖ AVP Sava, ISV - vodna knjiga - ovdje
- Arhiva - ovdje
- Oglasna ploča AVP Sava